

"Ұжымдық қауіпсіздік туралы шарт ұйымының жарғысын бекіту туралы" Қазақстан Республикасы Заңының жобасы туралы

Қазақстан Республикасы Үкіметінің 2003 жылғы 17 сәуірдегі N 366 қаулысы

Қазақстан Республикасының Үкіметі қаулы етеді:

1. "Ұжымдық қауіпсіздік туралы шарт ұйымының жарғысын бекіту туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы Ұжымдық қауіпсіздік туралы шарт ұйымының жарғысын бекіту туралы

2002 жылғы 7 қазанда Кишинев қаласында жасалған Ұжымдық қауіпсіздік туралы шарт ұйымның жарғысы бекітілсін.

Қ а з а қ с т а н Р е с п у б л и к а с ы н ы ң

Президенті

ҰЖЫМДЫҚ ҚАУІПСІЗДІК ТУРАЛЫ ШАРТ ҰЙЫМЫНЫҢ ЖАРҒЫСЫ

1992 жылғы 15 мамырдағы Ұжымдық қауіпсіздік туралы Шартқа (бұдан әрі - Шарт) қ а т ы с у ш ы м е м л е к е т т е р ,

БҰҰ Жарғысы бойынша өз міндеттерімен, БҰҰ Қауіпсіздік Кеңесінің шешімдерімен қатаң сәйкестікте әрекет етіп, халықаралық құқықтың жалпыға танылған принциптерін басшылыққа ала отырып;

Шартқа қатысушы мемлекеттерді жан-жақты дамыту және олардың қауіпсіздігін, егемендігі мен аумақтық тұтастығын қамтамасыз ету үшін қолайлы және тұрақты жағдайларды жасауға ұмтыла отырып;

Шарттың және оның шеңберінде қабылданған халықаралық шарттар мен шешімдердің мақсаттары мен принциптеріне өзінің адалдығын растай отырып;

ұлттық, аймақтық және халықаралық қауіпсіздікті қамтамасыз ету және нығайту мүддесінде әскери-саяси ынтымақтастықты одан әрі дамыту мен тереңдетуде ш е ш і м д і л і к к е б а р а о т ы р ы п ;

сыртқы саяси, әскери және әскери-техникалық салаларда сондай-ақ трансұлттық шақыруларға және мемлекеттер мен халықтардың қауіпсіздігіне қатер төндіруге қарсы әрекет ету саласында тығыз және жан-жақты одақтық қарым-қатынастарды жалғастыру мен жетілдіруді өзінің алдында мақсат етіп қоя отырып;

Шарт шеңберінде қызметінің тиімділігін жоғарылату ниетін басшылыққа ала
о т ы р ы п ,
төмендегілер туралы келісті:

I-тарау

Ұжымдық қауіпсіздік туралы шарт Ұйымын бекіту

1-бап

Шартқа қатысушы мемлекеттер Ұжымдық қауіпсіздік туралы Шарттың халықаралық аймақтық Ұйымын бекітеді (бұдан әрі - Ұйым).

2-бап

Шарттың және оның дамуы үшін қабылданған халықаралық шарттардың ережелері мен Шарттың ұжымдық қауіпсіздік Кеңесінің шешімдері Ұйымға мүше-мемлекеттер (бұдан әрі - мүше-мемлекеттер) және Ұйымның өзі үшін міндетті болып табылады.

II-тарау

Мақсаттары мен принциптері

3-бап

Ұйымның мақсаттары бейбітшілікті, халықаралық және аймақтық қауіпсіздік пен тұрақтылықты нығайту, ұжымдық негізде мүше-мемлекеттердің тәуелсіздігін, аймақтық тұтастығы мен егемендігін қорғау болып табылады, оларға жету үшін мүше-мемлекеттер басымдықты саяси құралдарға береді.

4-бап

Ұйым өз қызметінде Ұйымның мүшелері болып табылмайтын мемлекеттермен ынтымақтастық жасайды, қауіпсіздік саласында әрекет ететін халықаралық

үкіметаралық ұйымдармен қарым-қатынас орнатады. Ұйым халықаралық құқықтың жалпыға танылған принциптерінде негізделген әділ демократиялық бейбітшілік тәртіпті қалыптастыруға көмек көрсетеді.

5-бап

Ұйым тәуелсіздікті мүлтіксіз құрметтеу, мүше-мемлекеттердің қатысу еріктілігі, құқықтары мен міндеттерінің теңдігі, мүше-мемлекеттердің ұлттық юрисдикциясына жататын істерге араласпау негізінде әрекет етеді.

6-бап

Осы Жарғы мүше-мемлекеттердің олар қатысушылары болып табылатын басқа халықаралық шарттар бойынша құқықтары мен міндеттерін қозғамайды.

III-тарау

Қызметінің бағыты

7-бап

Ұйымның мақсаттарын іске асыру үшін мүше-мемлекеттер оның шеңберінде ұжымдық қауіпсіздіктің нақты жүйесін қалыптастыруға, коалициялық (аймақтық) әскер (күштер) топтарын және оларды басқару органдарын, әскери инфрақұрылымды құруға, қарулы күштер үшін әскери кадрлар мен мамандар даярлауға, оларды қажет қару-жарақпен және әскери техникамен қамтамасыз етуге бірлескен шаралар қ а б ы л д а й д ы .

Мүше-мемлекеттер басқа мүше-мемлекеттермен шұғыл кеңестерді (келісімдерді) өткізгеннен кейін, өз аумақтарында Ұйымның мүшелері болып табылмайтын мемлекеттердің әскер (күштер) топтарын, әскери инфрақұрылым объектілерін орналастыру туралы шешім қабылдайды.

8-бап

Мүше-мемлекеттер халықаралық терроризммен және экстремизммен, есірткілік заттар мен психотроптық заттардың, қару-жарақтың заңсыз айналымымен, ұйымдасқан трансұлттық қылмыспен, жасырын көші-қонмен және мүше-мемлекеттер қауіпсіздігіне төнетін басқа да қатерлермен күресуде өз күштерін үйлестіреді және біріктіреді.

Мүше-мемлекеттер өз қызметін осы бағыттарда, соның ішінде БҰҰ басшылық ролімен барлық мүдделі мемлекеттермен және халықаралық үкіметаралық ұйымдармен тығыз ынтымақтастықта жүзеге асырады.

9-бап

Мүше-мемлекеттер қауіпсіздіктің халықаралық және аймақтық проблемалары бойынша, соның ішінде Ұйымның кеңес беру механизмдері мен рәсімдерін пайдалана отырып өздерінің сыртқы саяси ұстанымын келіседі және үйлестіреді.

10-бап

Мүше-мемлекеттер ұжымдық қауіпсіздік жүйесінің қызметін регламенттейтін шарттық-құқықтық базаны дамыту жөнінде және қорғаныс, әскери құрылыс және қауіпсіздік мәселелері бойынша ұлттық заңнаманы үйлестіру жөнінде шаралар қабылдайды.

IV-тарау

Ұйымның органдары

11-бап

Ұйымның органдары болып мыналар табылады:

- а) Ұжымдық қауіпсіздік кеңесі (бұдан әрі - Кеңес);
- б) Сыртқы істер министрлерінің кеңесі (бұдан әрі - СІМК);
- в) Қорғаныс министрлерінің кеңесі (бұдан әрі - ҚМК);
- г) Қауіпсіздік кеңесі хатшыларының комитеті (бұдан әрі - ҚКХК).

Ұйымның тұрақты әрекет ететін жұмыс органы Ұйымның Хатшылығы болып табылады (бұдан әрі - Хатшылық).

Жоғарыда көрсетілген органдардың функциялары мен жұмыс тәртібі осы Жарғымен, сондай-ақ Кеңес бекіткен жекелеген Ережелермен регламенттеледі.

12-бап

Кеңестің, СІМК, ҚМК мен ҚКХК рәсімдіктен басқа мәселелері бойынша шешімдері консенсуспен қабылданады.

Кез келген мүше-мемлекеттің дауыс беру кезінде бір дауысы болады. Дауыс беру, соның ішінде рәсімдік мәселелер бойынша дауыс беру тәртібі Кеңес бекітетін Ұйым органдары рәсімдерінің ережелерімен регламенттеледі.

Кеңестің шешімдері және олардың орындалуы үшін қабылданатын СІМК, ҚМК және ҚКХК шешімдері мүше-мемлекеттер үшін міндетті болып табылады және ұлттық заңнамамен белгіленген тәртіпте орындалады.

13-бап

Кеңес Ұйымның жоғары органы болып табылады.

Кеңес ұйым қызметінің принциптік мәселелерін қарайды және оның мақсаттары мен міндеттерін іске асыруға бағытталған шешімдерді қабылдайды, сондай-ақ осы мақсаттарды іске асыру үшін мүше-мемлекеттердің бірлескен қызметі мен оны үйлестіруді қамтамасыз етеді.

Кеңестің құрамына мүше-мемлекеттердің басшылары кіреді.

Кеңестің мәжілістеріне мүше-мемлекеттердің сыртқы істер министрлері, қорғаныс министрлері, қауіпсіздік кеңесінің хатшылары, Ұйымның Бас хатшысы, Ұйым жанындағы мүше-мемлекеттердің Өкілетті өкілдері және шақырылған адамдар.

Кеңес тұрақты немесе уақытша негізде Ұйымның жұмысшы және көмекші органдарын құруға құқылы.

Егер Кеңес басқа шешім қабылдаса, онда Кеңестің кезекті сессиясы өтетін аумақ мемлекетінің басшысы Кеңестің Төрағасы (бұдан әрі - Төраға) болып сайланады. Оның құқығы мен міндеттері Кеңестің келесі кезекті сессиясына дейінгі кезеңге сақталады.

Егер Төраға өз функцияларын орындай алмаса, онда қалған кезеңге жаңа Төраға сайланады.

Кеңес сессияларының арасындағы кезеңде Ұйым органдары қабылдайтын шешімдерді іске асырудағы мүше-мемлекеттердің өзара іс-қимылын үйлестіру мәселелерімен Ұйым жанындағы Тұрақты Кеңес (бұдан әрі - Тұрақты Кеңес) айналысады.

Тұрақты Кеңес олардың мемлекетішілік рәсімдеріне сәйкес мүше-мемлекеттер тағайындайтын Өкілетті өкілдерден (бұдан әрі - Өкілетті өкілдер) тұрады, және Кеңес бекітетін Ережеге сәйкес әрекет етеді.

14-бап

СІМК мүше-мемлекеттердің ішкі саясат саласындағы өзара іс-қимылын үйлестіру мәселелері жөніндегі Ұйымның кеңес беруші және атқарушы органы болып табылады.

15-бап

ҚМК мүше-мемлекеттердің әскери саясат, әскери құрылыс және әскери-техникалық ынтымақтастық саласындағы өзара іс-қимылын үйлестіру мәселелері жөніндегі Ұйымның кеңес беруші және атқарушы органы болып табылады.

16-бап

ҚКХК мүше-мемлекеттердің ұлттық қауіпсіздікті қамтамасыз ету саласындағы өзара іс-қимылын үйлестіру мәселелері жөніндегі Ұйымның кеңес беруші және атқарушы органы болып табылады.

Ү-тарау

Хатшылық

17-бап

Хатшылық Ұйым органдарының қызметін ұйымдық, ақпараттық, талдаумен және кеңес берумен қамтамасыз етуді жүзеге асырады.

Хатшылық Тұрақты Кеңеспен өзара іс-қимыл жасау үшін Ұйым органдарының шешімдері мен басқа да құжаттардың жобаларын дайындауды жүзеге асырады.

Хатшылық мүше-мемлекеттердің Ұйымның бюджетіне үлестік жарналарына теңдей квоталық негізде мүше-мемлекеттердің азаматтары (лауазымды тұлғалар) және мүше-мемлекеттердің келісім-шарт бойынша конкурстық негізде жұмысқа қабылданған азаматтары (қызметкерлер) санынан құралады.

Хатшылықтың функциялары, құрылуы мен жұмыс тәртібі Кеңес бекіткен тиісті
Е р е ж е м е н а й қ ы н д а л а д ы .

Хатшылықтың орналасқан жері Мәскеу қаласы, Ресей Федерациясы болып табылады. Хатшылықтың Ресей Федерациясының аумағында болу шарттары тиісті халықаралық шарт негізінде реттеледі.

18-бап

Ұйымның бас хатшысы (бұдан әрі - Бас хатшы) Ұйымның жоғары әкімшілік лауазымды тұлғасы болып табылады және Хатшылыққа басшылық жасауды жүзеге
а с ы р а д ы .

Бас хатшы Кеңес шешімімен мүше-мемлекеттердің азаматтары санынан СІМК ұсынуы бойынша үш жыл мерзімге тағайындалады.

Бас хатшы Кеңеске есеп береді, Кеңестің, СІМК, ҚМК, ҚКХК және Тұрақты Кеңестің мәжілістеріне қатысады.

Бас хатшы Кеңестің шешімдеріне сәйкес Ұйым органдарының тиісті ұсыныстары мен құжаттарының жобаларын әзірлеуді үйлестіреді, Ұйымның мүшелері болып табылмайтын басқа да халықаралық үкіметаралық ұйымдармен және мемлекеттермен жұмыс бабындағы қарым-қатынастарды жүзеге асырады.

Бас хатшы осы Жарғыға, Ұйымның шеңберінде жасалатын басқа да халықаралық шарттар мен қабылданатын құжаттарға қатысты депозитарий болып табылады.

ҮІ-тарау

Мүшелік

19-бап

Ұйымның мүшесі болып оның мақсаттары мен принциптерін қолдайтын және осы Жарғыда және Ұйымның шеңберінде әрекет ететін басқа да халықаралық шарттар мен шешімдерде көрсетілген міндеттемелерді өзіне ала алатын кез келген мемлекет бола алады.

Ұйымға қабылдау туралы шешімді Кеңес қабылдайды.

Кез келген мүше-мемлекет Ұйымнан шығуға құқылы. Ұйымның шеңберінде өз міндеттемелерін реттегеннен кейін бұл мемлекет Жарғының депозитарийіне шығу күніне дейінгі алты айдан кешіктірмей шығу туралы ресми хабарландыру жібереді.

Ұйымға қабылдану және шығу тәртібі Кеңес бекіткен тиісті Ережемен анықталады.

20-бап

Мүше-мемлекет осы Жарғының ережелерін, Кеңестің шешімдерін және оларды орындау үшін қабылданған Ұйымның басқа органдарының шешімдерін орындамаған жағдайда Кеңес оның Ұйым органдарының қызметіне қатысуын тоқтатуы мүмкін.

Мүше-мемлекеттің аталған міндеттемелерді орындамауы жалғасқан жағдайда Кеңес оны Ұйымнан шығару туралы шешім қабылдай алады.

Сондай мүше-мемлекетке қатысты осы мәселелер бойынша шешімдер оның дауысын есепке алмастан қабылданады.

Мүше-мемлекеттердің Ұйым органдарының қызметіне қатысуын тоқтату немесе Ұйымнан шығару тәртібі Кеңес бекіткен тиісті Ережемен анықталады.

ҮІІ-тарау

Бақылаушылар

21-бап

Ұйым жанындағы бақылаушының мәртебесі Ұйымның мүшесі болып табылмайтын мемлекетке, сондай-ақ Бас хатшының атына жазылған ресми жазбаша өтінуіне сәйкес халықаралық ұйымға ұсынылуы мүмкін. Бақылаушының мәртебесін ұсыну, тоқтату немесе күшін жою туралы шешімді Кеңес қабылдайды.

Бақылаушылардың Ұйым органдарының сессиялары мен мәжілістеріне қатысуы Ұйым органдары рәсімдерінің ережелерімен регламенттеледі.

ҮШ-тарау

Құқықтық қабілеттілігі, артықшылықтары мен иммунитеттер

22-бап

Ұйым әрбір мүше-мемлекет аумағында оның мақсаттары мен міндеттерін іске асыру үшін қажетті құқықтық қабілеттілікті пайдаланады.

Ұйым оның мүшесі болып табылмайтын мемлекеттермен ынтымақтастық жасай алады, қауіпсіздік саласында әрекет ететін халықаралық үкіметаралық ұйымдармен қарым-қатынастарды қолдайды, олармен осындай ынтымақтастық орнатуға және дамытуға бағытталған халықаралық шарттарды жасай алады.

Ұйым заңды тұлғаның құқықтарын пайдаланады.

23-бап

Ұйымның артықшылықтары мен иммунитеттері тиісті халықаралық шарттармен анықталады.

ІХ-тарау

Қаржыландыру

24-бап

Хатшылықтың қызметін қаржыландыру Ұйымның бюджеті есебінен жүзеге асырылады.

Ұйымның бюджеті мүше-мемлекеттердің Кеңес бекітетін үлестік жарналары есебінен құралады.

Ұйымның бюджет тапшылығы болмауы тиіс.

Ұйымның бюджет жобасын Ұйымның бюджетін жасау және орындау тәртібі туралы Ережеге сәйкес мүше-мемлекеттердің келісуі бойынша әрбір бюджеттік жылға Хатшылық әзірлейді. Ұйымның бюджетін Кеңес бекітеді.

Ұйымның бюджетін жасау және орындау тәртібі туралы Ережені Кеңес бекітеді.

Өкілдері мен сарапшыларының Ұйым органдарының кеңестеріне, мәжілістеріне және Ұйым шеңберінде өткізілетін басқа да іс-шараларға қатысуымен байланысты, сондай-ақ Өкілетті өкілдің қызметімен байланысты шығындарды мүше-мемлекеттер дербес түрде атқарады.

25-бап

Егер мүше-мемлекеттер екі жылдың ішінде Ұйым бюджетінің алдындағы қарыздарын өтеу жөніндегі міндеттемелерін орындамаса, Кеңес Ұйым шеңберінде квоталық лауазымдарға осы мемлекеттің азаматтарын ұсыну құқығын тоқтату туралы, сондай-ақ қарызын толық өтегенге дейін Ұйым органдарында дауыс беру құқығынан айыру туралы шешім қабылдайды.

X-тарау

Қорытынды ережелер

26-бап

Осы Жарғы бекітуге жатады және бекіту туралы оның мемлекеттерімен қол қойылған соңғы жазбаша хабарландыруды депозитарийге тапсырған күннен бастап
к ү ш і н е е н е д і .

Депозитарий бекіту туралы әрбір хабарламаны алғандығы туралы осы Жарғыға қол қойған мемлекеттерді хабарландырады.

27-бап

Осы Жарғыға мүше-мемлекеттердің жалпы келісімі бойынша жекелеген Хаттамалармен ресімделетін өзгерістер мен толықтырулар енгізілуі мүмкін.

Жарғыға өзгерістер мен толықтырулар туралы Хаттамалар оның ажырамас бөлігі болып табылады және осы Жарғының 26-бабында белгіленген тәртіппен күшіне енеді.

Жарғыға ескертулер жасауға жол берілмейді.

Осы Жарғының ережелерін түсіндіру мен қолдануға қатысты Кез келген даулар мүдделі мүше-мемлекеттер арасында кеңестер және келіссөздер жолымен шешіледі. Келісімге келмеген жағдайда дау Кеңестің қарауына беріледі.

28-бап

Ұйымның ресми және жұмыс тілі орыс тілі болып табылады.

29-бап

Осы Жарғы Біріккен Ұлттар Ұйымы Жарғысының 102-бабының ережелеріне сәйкес
Б Ұ Ұ Х а т ш ы л ы ғ ы н д а т і р к е л е д і .

2002 жылғы 7 қазанда Кишинев қаласында бір түпнұсқа данада орыс тілінде жасалған. Түпнұсқа данасы депозитарийде сақталады, ол осы Жарғыға қол қойған әрбір мемлекетке куәландырылған көшірмесін жібереді.

Армения Республикасы үшін *Қырғыз Республикасы үшін*
Беларусь Республикасы үшін *Ресей Федерациясы үшін*
Қазақстан Республикасы үшін *Тәжікстан Республикасы үшін*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК